

DEN SIKKO DI

BONCHI APARTE

E payasito di Bonchi Aparte
ku su boka di kornetín:
bin zoya, bin zoya riba mi rabu
pasobra Status Aparte ta nos fin

E ta supla keinta kara
pa penetrá su kornetín:
ai, ai, tintina re-tintina
Bonchi Aparte nos tur ke tin.

E ta preta sofoká pulmón
pa "muri pa su pueblo" porque sí,
lubidando su lomba di karbachi
mesklá ku purunch'i Wilhelmin.

Bonchi Aparte, Bonchi Aparte
ta pakiko bo no ke bin?
e kornetín ta tembla di remate
i e públiko ta grita sakudi.

E payasito ta hincha kayente
dilanti un públiko hodón-hodín
un tefi ta yora how-how-how
e kornetín a kibra re-tintin.

Henry Habibe